

# Epesas

## Pol Epesas nibi bi kalip köp kali ktiñ rika

**1** <sup>1</sup>Yad Pol. God yip hag lö, Krai Jisas manö ud arep bi ap midem, kalöp God nibi bi nipe daun kub Epesas midpim gau, köp anibi kali ktiñ rikabin.<sup>a</sup>

<sup>2</sup>God Bapi hon abe, Bi Kub Jisas Krai abe, kalöp mög niñmil ud aij gilö, kale mid aij gimim.

### Krais pig midpun u, nipe ana hon nan aij ñab

<sup>3</sup>Bi Kub hon Jisas Krai Nap nipe God nip aij a gun. Ñi nipe nip yuö apöm hanip udö me, nip cig gino, kumi kabö adö lañ nan aij aij midöp gau magöñhalö ana hanip ñöb.<sup>b</sup> <sup>4</sup>Ram minöñ hadame dagol gau gi laga ñin u God haga, “Krais nibi bi nipe mideinaböl gau, kale nibi bi uł, nibi bi asiñ midagöp yad gau mideinaböl,” a ga.

Anib u, hadame dagol gau God nibi bi midmagö löm,<sup>c</sup> <sup>5</sup>ñin anibu nöp, gasi nipe nöp niñöm haga, “Ñi yad Jisas Krai nibi bi kalip udnab gau, ñi pai yad ke rö lilö, yad ke kalip udem kabö launabin,” a ga.<sup>d</sup> <sup>6</sup>Aniñ hagöm, Ñi midmagö nipe u hałöwałö yuö apöm, hanip ud Nap ñimagö adö nipe la u me, aij gö niñöl gi hib nipe u hagno adö arab.

<sup>7</sup>Jisas Krai hagape nipe lugö umöm hanip rau adog udö, God, Bi aij yabił u, hanip mög yabił göm, nan si nan naij gipun gau niñöm arö göp. Anib u, hon niñbun God nipe nibi bi gau mög yabił göp.<sup>e</sup> <sup>8</sup>God nipe gasi niñ kid hiiköm nan magöñhalö gau niñöb u, hanip nan aij aij anib gau hałöwałö ñöb. <sup>9</sup>Pen God nipe Krai aip niñön giñig ga u, nan pi göl midmidöp anibu hanip waiö hagö niñbun.<sup>f</sup> <sup>10</sup>God ñin hain

<sup>a</sup> 1:1 Ap 18:19-21; 19:1   <sup>b</sup> 1:3 Ep 2:6   <sup>c</sup> 1:4 Jon 15:16   <sup>d</sup> 1:5 Jon 1:12   <sup>e</sup> 1:7 Ep 2:7;  
Kol 1:14   <sup>f</sup> 1:9 Ro 16:25

hag la ñin u, nan kumi kabö adö lañ au abe, nan minöñ naböñ it i abe, Kraiis nipe añi nöp magöñhalö abad mideinab.<sup>8</sup>

<sup>11</sup> God nipe ke gasi niñöm hag la u, magöñhalö ginig gab. God nipe ke gasi niñöm hag la, hon Kraiis cig gipun nibi bi gau, nibi bi nipe ke linabun. God nipe hadame dagol gau anig gasi niña.<sup>h</sup> <sup>12</sup> Nipe ga anibu, hon nibi bi Kraiis nip nöd niñ udno gau, God hib nipe hagno adö arnim, a göm ga. <sup>13</sup> Pen kale u rö nöp, Kraiis manö aij nibi bi ud kamiñ yuep manö niñö anibu niñ udpe, God kalöp udöm, Ana Uł kalöp añ dañ löm, Kraiis nibi bi nipe yabił hag löp. <sup>14</sup> God Ana hanip añ dañ midöp u me, hon niñbun, God nan aij aij nibi bi yad hainö ñinabin a ga nan gau, hainö udun mid aij yabił ginabun. Anib u, God hib nipe hagno adö arañ.<sup>i</sup>

### Pol God nip sabe ga

<sup>15</sup> Anib u, yad nöd niñnö, kale Bi Kub Jisas nip niñ udmim, nibi bi nipe gau kalip midmagö libim u, <sup>16</sup> yad hauł gagem, pör nöp kalöp a gem God nip aij a göp a gem, sabe göl gi midpin. <sup>17</sup> Bi Kub hon Jisas Kraiis God nipe u, Bap aij unbö ke u, nip pör hag niñem hagabin, nipe Ana kalöp ñinab niñöm nipe kalöp gasi aij ñöm, God nipe aigale bi rö midöp u kalöp yamö, kale God nip niñ aij ginabim.<sup>j</sup> <sup>18</sup> God nip sabe gem hagabin, nipe midmagö kale añ dañ mailö nipe ñi lö, Kraiis nibi bi nipe nan aij unbö ke ñinig gab u niñnabim. Nan aij anibu ñinabin a göm, God kalöp wiñ ala me. <sup>19</sup> God nip sabe gem hagabin, nipe midmagö kale añ dañ mailö nipe ñi lö, nipe Bi kłö unbö ke yabił midö, hon nibi bi Kraiis manö aij niñ udpun gau kłö anibu udpun u niñnabim. Kłö anibu God ñimagö nipe nöp midöp.<sup>k</sup> <sup>20</sup> Kraiis böñ nöp umö, God kłö anibu nöp Kraiis urak ñöm, kumi kabö adö lañ au dam ñimagö yijig böñ nipe lau la.<sup>l</sup> <sup>21</sup> Kraiis God aip am bis göp u, ana kumi kabö lañ nöd abad midmidal gau abe, ana kumi kabö lañ hainö abad mideinaböl gau abe, hib kale magöñhalö yagol midö, Kraiis hib nipe u i adö lañ midö niñöl gi, magöñhalö mo nipe gau midöp. <sup>22</sup> God nipe nibi bi nan gau magöñhalö Kraiis mo nipe gau la. Pen hon Kraiis nibi bi nipe gau magöñhalö, God Kraiis nip bi nabic u hag la.<sup>m</sup> <sup>23</sup> Kraiis nibi bi nipe gau, hon hañ romañ nipe midpun. Kraiis nabic abe hañ romañ abe midöp me u.<sup>n</sup>

### Kraiis nöp gö, hon kamiñ midpun

**2** <sup>1</sup> Kale nan si nan naji gimidim u, kale nibi bi böñ nöp umla nibö rö midmidim.<sup>o</sup> <sup>2</sup> Nibi bi ram minöñ it i nan si nan naji gipal rö, kale ke nöd u rö nöp gimidim. Ñin anibu ana kumi au lañ midpal bi kub kale

<sup>8</sup> 1:10 Kol 1:16,20 <sup>h</sup> 1:11 Ro 8:28-29 <sup>i</sup> 1:14 2Ko 1:22 <sup>j</sup> 1:17 Kol 1:9 <sup>k</sup> 1:19 Kol 1:11

<sup>l</sup> 1:20 Sam 110:1; 2Ko 13:4; Kol 2:12; 1:16; 2:10 <sup>m</sup> 1:22 Sam 8:6 <sup>n</sup> 1:23 Ep 4:10,15; Ro 12:5; Kol 1:18 <sup>o</sup> 2:1-5 Kol 1:21; 2:13

göp rö, kale nöd u rö nöp gimidim. Ana anibu nipe nibi bi God Manö udagpal gau kalip aṅ daṅ midöp.<sup>p</sup> <sup>3</sup>Pen nöd hon magöṅhalö anibu rö nöp gimidun. Gasi hon ke niṅmidun rö göl gi, gasi rimnap ke niṅeb rö lagö, nan si nan naij nöp gimidun. Anib u, nibi bi gau gi naij gilö God kalip pen ilön kub ṅniṅ gab rö u, hon u rö nöp gimidun.<sup>q</sup>

<sup>4-5</sup>Anib u, hon nibi bi böṅ nöp umla nibö rö midaino, God aip midep rö lagö, God nibi bi pör nöp mög niṅöb u, hanip midmagö yabiṅ löm, Kraiṅ aip ud kamiṅ löp. God nipe kalöp mög niṅöb u me, kalöp ud kamiṅ yuöp.<sup>r</sup> <sup>6</sup>God hanip Kraiṅ aip urak ṅöm, kumi kabö adö laṅ au dam Kraiṅ Jisas aip asik ṅa.<sup>s</sup>

<sup>7</sup>Pen God ga anibu, nibi bi hainö yag daunaböl gau, kale God nipe hanip a göm, Kraiṅ Jisas nip yuöm hanip gi aij yabiṅ ga u niṅöm, God nipe bi aij ke yabiṅ, nibi bi mög yabiṅ niṅöb u niṅöl a göm ga. <sup>8</sup>God kalöp mög niṅöm ud kamiṅ yuöp. Kraiṅ manö aij u niṅ udpe u me, nipe aniṅ ga. Pen kale Kraiṅ niṅ udpe kalöp udöp u, klö hon ke gino hanip udöp a gimim hagagmim. God nipe nöp kalöp nan aij u yiṅariṅ ṅöb. <sup>9</sup>Kale Kraiṅ niṅ udpe kalöp udöp u, kale nan aij ap gagpe. Anib u, hib kale ke hagpe adö arṅim rö lagöp.<sup>t</sup> <sup>10</sup>Pen God hanip udöm Kraiṅ Jisas nibi bi nipe gi la u, God hadame gau nibi bi gau kalip gi aij göl a göm, hanip aniṅ ga.<sup>u</sup>

### **Krais Juda nibi bi gau aip, Juda nibi bi wasö gau aip ud jim ṅa**

<sup>11</sup>Kale niṅbim, name nap kale Juda nibi bi wasö niṅöm kalöp yag daula u, kale u rö nöp Juda nibi bi wasö. Juda nibi bi gau hib kale ke hagöm, “haṅ riköp” a gimidal. Bi gau kale haṅ romaṅ aniṅ gipal. Pen kalöp Juda nibi bi wasö gau hib hagöm, “haṅ rikagöp” a gimidal. <sup>12</sup>Pen hauṅ gagmim. Kale nöd Kraiṅ lau adö midagaibe; kale Isrel it u hö? adö midaibe; God manö niṅö hag la u niṅagpe; kale ram minöṅ it i midmidim pen God nip niṅagmidim.<sup>v</sup> <sup>13</sup>Kale nöd God midöp milö au midmidim pen miṅi Kraiṅ hagape nipe luga u me, Kraiṅ Jisas aip God midöp au söl aubim.<sup>w</sup> <sup>14</sup>Anib u, Kraiṅ nipe uma rö, hon Juda nibi bi gau, Juda nibi bi wasö gau mulu kal niṅun pen pen gimidun waryö aṅ u rib ju yuöm, it miṅhöp ud jim ṅöl lö, hon it aṅi ap nöp midpun.<sup>x</sup> <sup>15</sup>Jisas haṅ romaṅ löm uma rö, Juda lo manö ke ke gau magöṅhalö böṅ nöp piṅ ga. Jisas uma u, hainö Juda nibi bi gau it u ke, Juda nibi bi wasö gau it u ke midöm pen pen gagnaböl; nibi bi magöṅhalö gau it aṅi ap nöp midöm agamij mideinaböl a göm uma.<sup>y</sup> <sup>16</sup>Jisas haṅ romaṅ nipe mab kros ba laṅ uma u, it miṅhöp anib gau ud God aip jim ṅa; pen pen gep nagü u abe al pak la.<sup>z</sup> <sup>17</sup>Nöd ke ke yabiṅ midmidun u pen Kraiṅ manö aij God aip jim ṅöl midep

<sup>p</sup> 2:2 Kol 3:7; Dai 3:3    <sup>q</sup> 2:3 Kol 3:6    <sup>r</sup> 2:4-5 Ro 6:13    <sup>s</sup> 2:6 Kol 2:12    <sup>t</sup> 2:9 1Ko 1:29-31; 2Di 1:9    <sup>u</sup> 2:10 Dai 2:14    <sup>v</sup> 2:12 Kol 1:21; Ro 9:4    <sup>w</sup> 2:13 Kol 1:20    <sup>x</sup> 2:14 1Ko 12:13  
<sup>y</sup> 2:15 Kol 2:14    <sup>z</sup> 2:16 Sek 9:10; Kol 1:20,22

u damöm, kalöp nibi bi milö kub gau rö midmidim gau hag ñöm, hon Juda nibi bi söl gau midmidun gau hag ñöm ga.<sup>a</sup> <sup>18</sup>Krais ajöŋ hanip adö añi hiika anibu, God Ana nipe añi midöp u nöp gö, hon if mihöŋgöl Bapi midöp arun rö löp.

### Hon Krais lau adö midpun gau, God ram nipe rö midpun

<sup>19</sup>Anib u, miñi nibi bi ram minöŋ ke gau nibö ju apöm midpal rö u midagpim. Nibi bi adö gau ajpal rö midagpim. God nibi bi nipe nöd nibö gau aip magum gimim, nibi bi nipe yijig göl midpim.<sup>b</sup> <sup>20</sup>Anib u, hon God sabe gep ram u rö midpun. Krais Jisas ram padö ud midep kub an yaŋ midöp. Bi Jisas manö ud arep gau abe, bi God manö hagep gau abe, ram padö pro pro auan gau biniŋ gipal rö u midpal; ram bagö big gígabö gipal rö u kale midpim.<sup>c</sup> <sup>21</sup>Krais Jisas ram padö kub an yaŋ midö, ram anibu magöŋhalö jim ñöl kub göm, Bi Kub sabe gep ram uñ nipe linab.<sup>d</sup> <sup>22</sup>Anib u, kale Epesas nibi bi Krais lau adö midpim gau, God nipe kalöp u rö nöp ud ram anibu aip ud jim ñöl lö, ram raul miŋan aij nipe u God Ana amöm midnab.<sup>e</sup>

### Pol Krais manö aij u Juda nibi bi wasö gau kalip hag ñimidöp

**3** <sup>1</sup>Yad Pol, Krais nip wög gi ñöl gi, kalöp Juda nibi bi wasö gau hag ñi ajnö, nibi bi rimnap yip niŋlö mulu lugö nagi lilö midpin.<sup>f</sup> <sup>2</sup>Pen kale hadö niŋbim, God yip mög niŋöm manö aij nipe yip hag ñö, yad manö aij anibu kalöp hag ñi ajpin.<sup>g</sup> <sup>3</sup>God yip mög niŋöm, manö nipe nöd pi göl midmidöp rimnap yip yamö niŋnö u, kalöp nöd köp kali kñiñ rikpin.<sup>h</sup> <sup>4</sup>Kale manö kali kñiñ rikabin i niŋ aij gimim me, God hadame dagol gau Krais hainö ginab hag la manö u niŋmim, yad manö nöd pi göl midmidöp anibu niŋ aij gipin u, niŋnabim. <sup>5</sup>God Ana nipe hanip bi Jisas manö aij ud arep bi nipe ke gau abe, bi God manö hagep bi nipe ke gau abe waiö hagöm gasi ñö, manö nibi bi nöd niŋagmidal u niŋbun. <sup>6</sup>Manö pi göl midmidöp anibu aniŋ göl midöp: Juda nibi bi gau abe, Juda nibi bi wasö gau abe, God nan aij nibi bi ñinabin a ga u udnaböl. Kale mihöŋgöl hañ roman añi nöp midö, God nipe Krais Jisas hag yuöm nibi bi kalip gi aij ginabin a ga manö aij anibu manö kale magöŋhalö. Krais Jisas manö aij u me u.<sup>i</sup>

<sup>7</sup>God Bi klö yabiñ u yip mög niŋöm ud aij göm, nan aij ke ñöm, yip Krais manö aij u wög gi ñeb bi ap hag lö midpin.<sup>j</sup> <sup>8</sup>God nibi bi nipe rimnap nibi bi kub, rimnap nibi bi pro. Yad bi pro yabiñ u pen God yip mög niŋöm gi aij gö, Juda nibi bi wasö gau kalip Krais hanip gi aij yabiñ

<sup>a</sup> 2:17 Ais 57:19   <sup>b</sup> 2:19 Ep 3:6   <sup>c</sup> 2:20 1Ko 3:11   <sup>d</sup> 2:21 1Ko 3:16   <sup>e</sup> 2:22 1Pi 2:5

<sup>f</sup> 3:1 Plp 1:7,13   <sup>g</sup> 3:2 Kol 1:25   <sup>h</sup> 3:3 Ep 1:9-10; Kol 1:26   <sup>i</sup> 3:6 Ep 2:13,16-19

<sup>j</sup> 3:7 Kol 1:25

göm ud aij yabił göp manö aij u hag ñibin. Pen manö anibu adiņ juagöp.<sup>k</sup>  
<sup>9</sup>Pen God nipe ram minöņ ił i midöp nan gau, nan kumi kabö adö laņ  
 midöp nan gau magöņhalö gi la u, nipe ke nöp gö manö anibu pi göl  
 midmidöp. Pen uri God yip hag lö, yad manö pi göl midmidöp anibu nibi  
 bi magöņhalö gau kalip waiö hag ñabin. <sup>10</sup>God ga anibu, uri Krai nibi bi  
 nipe ram minöņ ił i midpal gau gilö niņöl gi, ejol kumi kabö adö laņ abad  
 midpal gau, God bi gasi niņ kid hiiköm niņöb u niņöl, a göm ga. <sup>11</sup>God  
 ga anibu, nipe hadame dagol gau gasi niņa rö nöp, Bi Kub hon Krai Jisas  
 nip hag yuöm, nan anibu ga. <sup>12</sup>Krai Jisas nip niņ udun cig gipun u me,  
 God nip piņiņ gagon, gasi halö nöp nipe midöp söl au arun.<sup>l</sup> <sup>13</sup>Anib u,  
 kalöp hag ñi ajnö, yip gi naij gilö, ułham midpin u, gasi iru niņagmim;  
 yad ułham midpin pen God kalöp nan aij ñinab.

### Krais nibi bi midmagö yabił löp

<sup>14</sup>Adö anibu nöp yad Bapi nip kugom yimem sabe gipin. <sup>15</sup>Bapi nipe  
 ke gi lö, yam minöņ naböņ ił i midpal gau abe, yam kumi kabö adö laņ  
 au midpal gau abe, hon magöņhalö yam nipe midpun. <sup>16</sup>Bapi God nip  
 sabe gabin, nipe Bi mailö aij ke halö, ñimagö nipe nan aij yabił midöp  
 niņöm nipe Ana nipe kalöp ñö, hibur gasi midmagö aņ kale daņ pidöņ  
 mideinabim. <sup>17</sup>Bapi God nip sabe gabin, kale Krai nip niņ udpe, Krai  
 midmagö aņ kale daņ mideinab. Yad sabe gabin, kale nan nihön ginig  
 gabim u, God abe nibi bi gau abe midmagö limim ginabim.<sup>m</sup> <sup>18</sup>Yad sabe  
 gabin, kale abe Krai nibi bi magöņhalö gau abe, Krai nipe pör nöp nibi  
 bi midmagö yabił löp u niņnabim. <sup>19</sup>Krai nibi bi gau midmagö yabił löp  
 u niņnabim. Pen anibu nöp wasö. Yad God nip sabe gabin u, nipe kalöp  
 midmagö yabił löp u, hibur gasi midmagö aņ kale ke daņ niņnabim. Anib  
 u, God nipe ke aņ kale daņ ajmaņ raunab.

<sup>20</sup>Hon God nip hag niņabun, pen nipe hag niņabun rö nöp gagnab; hon  
 gasi niņbun rö nöp gagnab. Klö nipe ke u hanip aņ daņ wög göm, nipe gi  
 mapił ginab. <sup>21</sup>Anib u, hon Krai Jisas nibi bi nipe midun nip cig midpun  
 gau, hib nipe pör nöp pör nöp ud arno adö araņ! Anib unbö rö aij.

### Krais hañ romaņ nipe jim ñöl midmim

**4** <sup>1</sup>Yad Bi Kub wög ginö yip nagi lilö midpin u, manö hagabin i  
 niņmim. God kalöp nibi bi aij yad midaimim a göm uda u, kale anib  
 unbö rö nöp gi midaimim.<sup>n</sup> <sup>2</sup>Nibi bi kub midpun a gimim kal juagmim;  
 nibi bi hain aij gau midaimim. Kale pen pen manö hain hain hagnim  
 midmagö limim.<sup>o</sup> <sup>3</sup>God Ana kalöp ud jim ñöl lö, jim ñöl midpim rö, anig  
 gun nöp agamij midaiun a gimim gipe arnim.<sup>p</sup> <sup>4</sup>Hon Krai nibi bi nipe

<sup>k</sup> 3:8 1Ko 15:9-10 <sup>l</sup> 3:12 Jon 14:6; Ro 5:2 <sup>m</sup> 3:17 Jon 14:23; Kol 1:23; 2:7 <sup>n</sup> 4:1 Kol 1:10  
<sup>o</sup> 4:2 Kol 3:12-13 <sup>p</sup> 4:3 Kol 3:14-15

hañ romanj aña ap nöp midöp. Ana u aña ap nöp midöp. Kale magöñhalö nan aij aña ap nöp hainö udnabun a gimim gasi halö midpim. God nan aij anibu ñinabin a göm kalöp wiñ ala. <sup>5</sup>Bi Kub hon u aña ap nöp midöp. Kraiis nip niñ udep adan u aña ap nöp midöp. Ñig pakep u aña ap nöp midöp. <sup>6</sup>Nibi bi magöñhalö midpal gau kale God aña ap nöp, Bapi aña ap nöp midöp. Nipe nibi bi magöñhalö gau Bi Kub midöp. Nipe nibi bi hag lö, kale magöñhalö wög nipe gipal. Nipe nibi bi magöñhalö gau añ kale dañ midöp.<sup>7</sup> <sup>7</sup>Pen Kraiis hanip aña aña ke ke nan aij ke ap nime lö udpun.<sup>7</sup>

<sup>8</sup>Anib u, God Manö u kali kñiñ riköm hagla,

“Ram minöñ adö lañ ara ñin u,  
kauaʔ mauaʔ nipe gau nagi löm,  
kalip dam ñip gi ud aramöm,

nibi bi gau kalip nan aij aij ña,” a gila.<sup>8</sup>

<sup>9</sup>Nipe ram minöñ adö lañ ara a gila if u, aige göl göm rö midöp? Me nipe nöd minöñ naböñ añ yañ aramöm, hainö ram minöñ adö lañ ara.<sup>9</sup> <sup>10</sup>Anib u hon niñbun, bi minöñ naböñ añ yañ ara u, bi anibu nöp adö lañ aramöm kumi kabö adö lañ au ara. Anig ga u, ram minöñ au giyañ abe, ram minöñ adö lañ au abe, ram minöñ magöñhalö yabiʔ arnabin a göm, anig ga.

<sup>11</sup>Bi anibu nöp nibi bi nipe nan aij aij ñöm, rimnap hag lö, Jisas manö aij ud arep wög u gipal; rimnap God manö hagep wög u gipal; rimnap nibi bi Kraiis nip niñagpal gau kalip Kraiis manö aij u hag ñibal; rimnap nibi bi Kraiis nip niñ udpal gau kalip abad midöm hag ñi aij gipal; rimnap nibi bi ñi pai gau kalip Kraiis manö aij u hag ñibal.<sup>11</sup> <sup>12</sup>God nibi bi nipe nip wög gilö, Kraiis hañ romanj nipe kub göm pidöñ linim a göm, nibi bi nipe gau kalip nan aij aij anib gau ña. <sup>13</sup>Kraiis hañ romanj pidöñ lö, hon magöñhalö hañ romanj aña ap rö manö aij nipe niñ udun, God Ni nipe aigale Bi rö midöp u niñ aij gun, hon ñi pai pro rö wasö, nibi bi majö Kraiis nipe ke midöp rö linabun.<sup>12</sup>

<sup>14</sup>Anig geinab u, hainö hon ñi pai pro rö midageinabun. Ñin hain anibu, Bi God Manö hagabun a göm, manö ke ke gau nibö gau nibö ud ud piral piral hagalp gau, hanip yigön udöm ñig solwara ud ado malo göp rö u gagnaböl.

<sup>15</sup>Ñin hain anibu, hon nibi bi gau kalip midmagö lun manö niñö nöp hagun, nan nihön nihön ginabun u, Nabic nihön giböp u niñun, anib unbö rö nöp gun. Nabic u Kraiis me.<sup>15</sup> <sup>16</sup>Kraiis nabic midö, hañ romanj kid ke rimnap kid ke ke rimnap pen pen midmagö löm, wög ke ke gilö, kidif aram hañ romanj kid ke ke ud jim ñö, hañ romanj magöñhalö kub göm, pidöñ linab.

### **Kraiis nibi bi nipe midpun rö, nagi gisön nibö adö u gun**

<sup>17</sup>Anib u, Bi Kub manö nipe u udem kalöp manö kñö hagem hagabin: nibi bi God niñ udagpal gau gimidal rö nagi adö u rö gagmim. Nibi bi

<sup>q</sup> 4:6 1Ko 12:6    <sup>r</sup> 4:7 Ro 12:3,6    <sup>s</sup> 4:8 Sam 68:18    <sup>t</sup> 4:9 Jon 3:13    <sup>u</sup> 4:11 1Ko 12:28

<sup>v</sup> 4:13 Kol 1:28    <sup>w</sup> 4:15-16 Kol 1:18; 2:19

anib gau gasi kale midagöp.<sup>x</sup> 18 Kale sibön böñ au midpal. Kale gasi ap midagöp yabiñ. Gasi rimid midmagö kale ke pri göm manö niñagal. Anib u, God kamiñ nipe kalip añ dañ midagöp. 19 Nan si nan naj nihön nihön gipal gau kale nable gagöp. Anib u, kale nan si nan naj abönamö gi dam dam, uri nan si nan naj hain nibö rimnap gun a göm rapin hañowañ gilö arab.

20 Pen nöd Krais manö aij u hag ñino niñ udpe u, Krais kale nagi adö anibu gimim a göp kalöp hag ñino niñagpim. 21 Kalöp Jisas manö niñö u nöp hag ñino niñbim me. 22 Nan si nan naj nöd gimidim u, gasi rimid midmagö kale gac ginab. Anib u, nan si nan naj gimidim u böñ nöp arö gimim.<sup>y</sup> 23 Gasi aij gisön nibö adö u nöp niñmim.<sup>z</sup>

24 Pen God gö nibi bi gisön nibö midaimim rö löp. Anib u, nagi gisön nibö adö u ud halu limim, God kamiñ aij midöp rö u, God nipe uñ ke midöp rö u midaimim.<sup>a</sup>

25 Anib u, hon magöñhalö Krais hañ romañ nipe añi nöp midpun u me, kale magöñhalö nibi bi gau kalip piral hagmidim u arö gimim, manö niñö nöp hagmim.<sup>b</sup> 26 Ñin rimnap nibi bi kalöp gi naj gilö kale mulu lugnab. Pen mulu lugö, nan si nan naj gagmim. Anig göl mulu niñöl gi midpe niñöl gi, sidö wad aragnim.<sup>c</sup> 27 Wasö u, Seden kalöp gasi naj ñö, nan si nan naj gimim rö löp.

28 Nibi bi nan si udmidal gau hainö nan si udagöl; klö ke wög göm nan midö niñöl gi, rimnap nibi bi mög gep rö gau kalip ñöl. 29 Manö hagnig gabim u, manö naj rimnap hagagmim. Manö aij nibi bi niñöm, God nip cig aij göl rö linim gau nöp hagmim.<sup>d</sup> 30 God ñin hain u hanip böñ nöp udnabin a göm niñ löm, Ana Uñ nipe u nöd yuö apöm kalöp añ dañ midöp u me, naj gimim God Ana Uñ nip marö ñagmim.<sup>e</sup> 31 Hibur naj gö, nibi bi rimnap niñbe mulu lugö, kal jumim, manö pen pen hagmim, nibi bi hag jumim, gi naj gimim gipim u magöñhalö arö gimim.<sup>f</sup> 32 Pen pen mög niñmim, midmagö limim. Kale Krais lau adö midpe, God kalöp nan si nan naj gipim u niñöm arö göp rö u, kale u rö nöp pen niñmim arö gimim pen niñmim arö gimim gimim.<sup>g</sup>

#### Mailö adö u ajaiun

**5** 1 Kale God ñi pai midmagö aij nipe midpim u, nipe göp rö gimim.<sup>h</sup> 2 Krais hanip nibi bi midmagö löm, God nip nan dap sabe gilö hañ? aij auöp rö u, hanip nan a göm mab ba lañ uma. Krais ga anibu niñmim, kale ke anib unbö rö nöp nibi bi gau kalip midmagö löl gi midaimim.<sup>i</sup>

<sup>x</sup> 4:17 1Pi 1:14; Ro 1:21 <sup>y</sup> 4:22 Ro 8:13; Kol 3:9 <sup>z</sup> 4:23 Ro 12:2 <sup>a</sup> 4:24 Jen 1:26; Kol 3:10 <sup>b</sup> 4:25 Kol 3:8-9; Sek 8:16 <sup>c</sup> 4:26 Sam 4:4; Jem 1:19-20 <sup>d</sup> 4:29 Kol 4:6 <sup>e</sup> 4:30 Ais 63:10; 1De 5:19; Ep 1:13-14 <sup>f</sup> 4:31 Kol 3:8 <sup>g</sup> 4:32 Mad 6:14; 18:22-35; Kol 3:12-13 <sup>h</sup> 5:1 Mad 5:48 <sup>i</sup> 5:2 Hib 10:10; Eks 29:18

<sup>3</sup>Pen God nibi bi nipe ke yabił midpim u, nibi si bi si gimim, gau ajmim hałowało gimim, nan aij kale gau yad udnam a gimim, nagi adö anibu rö magöñhalö böñ nöp arö gimim. <sup>4</sup>Urañañ hagmim, ñiñon limim, manö naj hagmim gagmim. Manö anibu rö hagagep yabił. Kale pen God nip aij a göp a gimim.

<sup>5</sup>Ni? aij gimim: nibi si bi si gipal nibi bi gau abe, gau ajöm hałowało gipal nibi bi gau abe, nan aij kale gau yad udnam a gipal nibi bi gau abe kale God Krais apil miñau ram minöñ kumi kabö adö lañ abad midpil au aragnaböl yabił. Kale nan si nan naj anib gau gasi niñbal u, nan anib gau god kale rö löp.<sup>j</sup>

<sup>6</sup>Nagi naj hagajin anib gau, nibi bi rimnap kalöp piral hagöm hagnaböl, “Nan anib gau nan si nan naj wasö,” a ginaböl. Kalöp piral haglö niñmim rö löp u, niñ aij gimim manö kale udagmim. Nan si nan naj hagajin anib gau gipe, God kal juöm kalöp gi naj yabił ginab.<sup>k</sup>

<sup>7</sup>Manö kalip niñmim kalip aip ajgmim.

<sup>8</sup>Nöd sibön añ gau midmidim u pen miñi Bi Kub nibi bi nipe limim mailö nipe adö u midpim. Miñi mailö nipe adö u midpim rö, nibi bi mailö adö u ajpal rö ajmim. Mailö ñi pai rö midaimim.<sup>l</sup> <sup>9</sup>Mailö magö u nan aij aij iru nöp pilnab: gi aij gep magö ke ke iru yabił pilnab; nan niñon niñon God niñö aij ginab nan gau magöñhalö pilnab; nan niñon niñon niñö nöp midöp pör nöp pilnab. <sup>10</sup>God nip aij ginim adö u nöp niñ aij gimim gipe arnim.

<sup>11</sup>Sibön yañ ajöm nan si nan naj gipal u kale aip gagmim. Nan si nan naj gipal u mailö adö u hagpe niñöl. <sup>12</sup>Kale nan si nan naj pi göl gipal u, hon nan anib gau manö nöp hagnabun u, nable ginab. <sup>13</sup>Ram ruö magöñhalö waiö niñbun. Anib u rö, God mailö nipe auö, nan niñon pi göm gipal u waiö niñnaböl.<sup>m</sup> <sup>14</sup>Mailö auö, magöñhalö niñbun. Adö anibu nöp, nibi bi rimnap hagpal,

“Ne umöl midpan u, miñi urakö,

Krais mailö nipe u nöp mailö pak ñinab,” a gipal.<sup>n</sup>

<sup>15</sup>Anib u, nibi bi rimnap manö niñagöm hałowało gipal rö gagmim. Ni? aij gimim gi midaimim.<sup>o</sup> <sup>16</sup>Nibi bi nan si nan naj nöp gipal ñin anibi, kale pör nöp niñ aij gimim gi aij gimim. <sup>17</sup>Anib u, bi hauł rö gagmim; Bi Kub nip aij ginab adö u nöp niñmim gimim. <sup>18</sup>Ñig wain niñbe, hauł alagnim; adan anibu arnabim lug paknabim. Pen, God Ana apöm hanip añ dañ ajmañ raunim, a gimim God nip sabe geinabim u aij.<sup>p</sup> <sup>19</sup>God Manö adiñ Sam a gipal gau rimnap pen pen hagöl gi, Krais manö aij u kimap ap pen pen hagöl gi, Bi Kub hib nipe dap raneb kimap ap pen pen

<sup>j</sup> 5:5 1Ko 6:9-10; Kol 3:5    <sup>k</sup> 5:6 Kol 2:4,8; Ro 1:18    <sup>l</sup> 5:8 Ep 2:13; Kol 1:13; 1Pi 2:9;

Jon 12:36    <sup>m</sup> 5:13 Jon 3:20-21    <sup>n</sup> 5:14 Ais 26:19; Ro 13:11    <sup>o</sup> 5:15-16 Kol 4:5

<sup>p</sup> 5:18 Luk 21:34



hagöl gi gimim. Aij a gö niñöl gi, midmagö kale aņ daņ kimap rimnap Bi Kub niņ hagmim.<sup>q</sup> <sup>20</sup>Bi Kub hon Jisas Kraiis nibi bi niņe midpun u me, nan niñön niñön ginim, kale pör nöp nan magöñhalö gau Bapi God niņ aij a göl gi midaimim.<sup>r</sup>

<sup>21</sup>Kraiss Bi Kub hon midöp a gipim u me, añ mam Kraiss nibi bi niņe midpim gau pen pen ud aij gimim. Añ mam ap manö rimnap hagainim u, manö niņe udmim.<sup>s</sup>

### Ber bi gau

<sup>22</sup>Kale nibi gau, Bi Kub manö niñmim hain gipim rö, nagamul bi hagöl rö niñmim hain gimim.<sup>t</sup> <sup>23</sup>Adö anibu aniņ göl midöp: Kraiss nibi bi niņe gau hañ romaņ niņe ke midöp; niņe ke nabic midöp. Kraiss nibi bi niņe ud kamiņ yuöp. Kraiss nibi bi udöm nabic midöp rö, bi gau nibi kale udöm nabic midpal.<sup>u</sup> <sup>24</sup>Kraiss nibi bi niņe gau kalip hagö manö niņe hain gipal rö, nibi gau, bi kale gau hagöl rö magöñhalö hain göl.

<sup>25</sup>Pen kale bi gau, Kraiss nibi bi niņe gau midmagö löm uma rö niñmim, nibi kale gau u rö nöp midmagö yabił limim.<sup>v</sup> <sup>26-27</sup>Kraiss nibi bi niņe gau midmagö löm uma u, cöc niņe u niņ manö niņe hagöm, niņig löm, uł małi gi aij göm, cöc mailö halö, gac pro ap, nan naij pro ap, manö pro ap wasö yabił, uł nöp midö, niņe udöm niņ ke niñab.<sup>w</sup> <sup>28</sup>Aniñ unbö rö nöp, kale bi gau niñi kale gau kalip midmagö limim. Hañ romaņ kale ke gi aij gipim rö, niñi kale gau u rö nöp gimim. Bi niñi niņe midmagö löp u, niņe ke midmagö löp. <sup>29</sup>Hañ romaņ hon u mulu kal niñagpun; ke niñno aij gö, nan magö niñ gi niñ gi abad mid aij nöp gipun. Aniñ unbö rö nöp, Kraiss nibi bi niņe abad midöp. <sup>30</sup>Niñön ginig: hon Kraiss hañ romaņ niñ kid ma kid niņe gau rö midpun.

<sup>31</sup>Pen God Manö u kali kñiñ riköm hagla, “Bi ap niñi udnig, niñe nap kalip arö göm, niñi udöm jim niñöl midmil, hañ romaņ aniñ rö lö midpil,” a giła.<sup>x</sup> <sup>32</sup>Manö anibu ił ap midöp pen kale nöd niñagmidal. Yad gasi niñbin manö anibu Kraiss abe niñi bi niņe gau abe hagab.<sup>y</sup> <sup>33</sup>Pen kale bi gau magöñhalö, hañ romaņ kale u ke midmagö libim rö, niñi kale gau u rö nöp midmagö limim. Kale niñi gau magöñhalö, nagamul bi manö kale udmim.

### Ñi pai gau; niñe nap gau

**6** <sup>1</sup>Kale niñi pai gau, Bi Kub hain gipim rö, name nap manö hagöl rö udmim. Nagi aij me adö anibu.<sup>z</sup> <sup>2</sup>God manö unbö sidu? laņ haga u hagöm haga, “Name nap bi kalip ud aij gimim, hagmil rö gimim,” a

<sup>q</sup> 5:19 Kol 3:16    <sup>r</sup> 5:20 Kol 3:17    <sup>s</sup> 5:21 1Pi 5:5    <sup>t</sup> 5:22 Kol 3:18; 1Pi 3:1    <sup>u</sup> 5:23 1Ko 11:3; Ep 1:22    <sup>v</sup> 5:25 Kol 3:19; 1Pi 3:7    <sup>w</sup> 5:26-27 2Ko 11:2; Kol 1:22; Dai 3:5    <sup>x</sup> 5:31 Mad 19:5  
<sup>y</sup> 5:32 Rep 19:7    <sup>z</sup> 6:1 Kol 3:20

ga. Pen God manö anibu nöp hagöm manö ap halö hagöm haga, “Kale unbö geinabim, yad kalöp nan aij ap ñinabin,” a ga.<sup>a</sup> <sup>3</sup>God haga, “Anig ginabim u, yinid umagnabim; minöñ naböñ adö it i milö padö midmim, mid aij ginabim,” a ga.

<sup>4</sup>Pen nap bi, ñi pai kale gau mid aij gilaj a gimim, kalip pa ji niñeb rö manö u rö hagagmim. Anig gipe, ñi pai kale gau pa ji niñöm, manö hagnabim rö niñagnaböl. Pen ñi pai kale gau kub gilö niñöl gi, kale nap bi God Manö hag ñi aij gimim, nagi aij adö anibu hag ñöl gi midmim.<sup>b</sup>

### **Bi nagi wög gipal gau; bi kub kalip abad midpal gau**

<sup>5</sup>Pen kale nibi bi, bi kub kalöp mani rau dap lilö kalip nagi wög gi ñimidim gau, Kraiss manö hagö, piñin gimim ud aij gipim rö, bi kub kale minöñ naböñ adö it i gau manö haglö, kale u rö nöp piñin gimim ud aij gimim.<sup>c</sup>

<sup>6</sup>Bi kub gau niñmidlö niñöl gi, wög gi aij gino, kalip aij gan a gimim gasi anibu nöp niñagmim; Kraiss nip nagi wög gibep rö, God nip aij gan a gimim, pör wög gi aij gimim. <sup>7</sup>Nibi bi minöñ naböñ it i kalip nöp wög gabun a gimim niñagmim; Bi Kub u nip wög gabun a gimim, aij gö niñöl gi wög gimim. <sup>8</sup>Kale niñbim, nibi bi nagi wög gipal gau abe nibi bi gasi kale ke niñöm wög gipal gau abe, Bi Kub wög kale niñöm, wög gi aij geinaböl u kalip u rö nöp pen ñinab.<sup>d</sup>

<sup>9</sup>Pen kale bi kub nibi bi hanip nagi wög gilaj a gimim mani rau dap libim gau kalip gi aij gimim. Manö klö hagpe piñin göl gi wög gagöl. Bi Kub kumi kabö adö lañ midöp u, nipe nibi bi nagi wög gipal Bi Kub kale abe, nibi bi kalip abad midpal Bi Kub kale abe midöp. Bi Kub nipe nibi bi gau kub, nibi bi gau pro, a göm niñagöp; amgö ilö nipe u adip adip midpal niñöm nipe gof ap aka gof ap aragnab.<sup>e</sup>

### **Wim po God ñöb u lihu magum gi aij gun midaiun**

<sup>10</sup>Manö hag naböñ junig gabin i niñ aij gimim. Bi Kub nip cig gipe, nipe klö nipe kalöp ñinim. <sup>11</sup>Seden hanip pör gi naij ginig göp u, wim po nan God hanip ñöb gau magöñhalö ud rol gimim, adan ramö au uliñin li mid aij gaimim.<sup>f</sup> <sup>12</sup>Nibi bi hañ romanj hagape midöp gau aip pen pen gagabun. Kijaki aiön pi nan naij gau bi kub kale it ke ke kumi kabö lañ abad midöm, sibön yanj ajpal gau aip pen pen gabun.<sup>g</sup> <sup>13</sup>Anib u, wim po nan God hanip ñöb gau magöñhalö ud rol li aij gimim midpe me, ñin bistam midep u auö, klö gimim nöp midpe, nan rimnap kalöp göl rö lagnab. <sup>14</sup>Anib u, God Manö niñö u, dip nagi rö pig li aij gimim.

<sup>a</sup> 6:2-3 Eks 20:12    <sup>b</sup> 6:4 Kol 3:21; Sam 78:4; Pro 22:6    <sup>c</sup> 6:5 Kol 3:22-23; Dai 2:9-10; 1Pi 2:18    <sup>d</sup> 6:8 2Ko 5:10; Kol 3:24-25    <sup>e</sup> 6:9 Kol 4:1; Ro 2:11    <sup>f</sup> 6:11 Ro 13:12; 2Ko 10:4  
<sup>g</sup> 6:12 1Pi 5:8-9

Abad alnaböl a gimim, pör nöp kabö rö gep magö u, sior pidöŋ libal rö, ud pabił ba kale u limim.<sup>h</sup> <sup>15</sup>Ma rirup libal rö, God aip jım ñöl midep manö aij u ud armim. Nibi bi rimnap kalip manö aij anıbu hagnig pör gi jin gi midmim, gasi anıbu nöp niŋmim ma rirup rö limim.<sup>i</sup> <sup>16</sup>Hałauŋ riŋ albal rö, God hanıp abad mideinab a gimim nip gasi niŋ udöl gi midpe me, nipe gö Bi Naij Gep po nipe mab rö inö niŋöl gi alnab gau böŋ nöp hoŋ ginab. Gasi anıbu nöp niŋmim, hałauŋ rö riŋ gimim. <sup>17</sup>Usajil pidöŋ bad libal rö, God kalöp mög niŋöm ud kamiŋ yuöp gasi u, ud nabic adö laŋ usajil bad rö limim. Ru milö kid ud arbal rö, God Ana ru milö kid kalöp ñöb u ru milö kid rö ud armim. God Ana ru milö kid u God Manö nipe me.<sup>j</sup> <sup>18</sup>Ana nipe gasi ñö niŋöl gi, God nip manö adö ke ke hag niŋöl gi midaimim. Gasi halö midmim, nibi bi Krais lau adö midpal gau magöŋhalö God nip pör nöp sabe göl gi midaimim.<sup>k</sup> <sup>19</sup>Yip u rö nöp God nip sabe gıpe, yip abad midöm manö magö nipe ke yip ñö niŋöl gi, piŋiŋ gagem, Krais manö aij nöd niŋagmidal u, nibi bi gau kalip hałöwałö hag ñınam.<sup>l</sup> <sup>20</sup>Yad Krais bi nipe midem, manö aij nipe u nöp hag ajainö yip nagi lilö midpin u, pen God nip sabe gıpe yad piŋiŋ gagem hałöwałö hag ñınam. Yad u rö nöp ginam aij.<sup>m</sup>

### Manö naböŋ magö rimnap

<sup>21</sup>Pen yad aigöl rö gem midpin u, wög niŋön niŋön gıpin u, mam aij hon Dijikas, bi God nip pör nöp wög gi aij göp u, am jaköm kalöp magöŋhalö hag ñınab.<sup>n</sup> <sup>22</sup>Hon aige rö midpun u, Dijikas amöm hagö niŋmim, gasi halö midaimim, a gem, nip midpim au yuabin.

<sup>23</sup>Bapi God Bi Kub Jisas Krais apil miŋau kalöp abad midlö niŋöl gi, God Manö niŋ ud pidöŋ göl gi midmim, añ mam gau aip agamij midmim, pen pen midmagö li midaimim. <sup>24</sup>Bi Kub hon Jisas Krais nip midmagö löl gi nöp midpim gau, God kalöp magöŋhalö mög niŋöm ud aij yabił ginim.

<sup>h</sup> 6:14 Ais 11:5; 59:17; 1De 5:8    <sup>i</sup> 6:15 Ro 10:15    <sup>j</sup> 6:17 Hib 4:12    <sup>k</sup> 6:18 Luk 18:1; Kol 4:2; 1De 5:17    <sup>l</sup> 6:19 Kol 4:3-4; 2De 3:1    <sup>m</sup> 6:20 2Ko 5:20; Plm 9    <sup>n</sup> 6:21 Ap 20:4; Kol 4:7-8; 2Di 4:12